

100
100

L. d. 560

14

Theol. O. III, 286

8
Zwo hochnotwendige
Fragen

An die Heilige Chri-
stliche Kirche / vber der Lere
von der Erbsünde

Von etlichen Predigern zu Mans-
feld / Eisleben / vnd auff dem Lande in der
alten vnd löblichen Graffschafft
Mansfeld / gestellet.



Anno M. D. LXXIIII.

D, 7

[Faint, illegible text, likely bleed-through from the reverse side of the page]



Als notdringenden/ Hochwichti-
gen' vnd bedenklichen Ursachen/
wird bey der heyligen Christlichen
Kirchen/ der geliebten Braut vnsers
Herrn vnd Heilandes Jesu Christi/
das ist/ bey allen rechtglaubigen fro-
men Christen / hohes vnd nideres
Standes/ Oberkeiten vñ Vnterthanen/ Lerern vnd
Zuhörern/ Gelerten vnd Leyen / die da Christum
warhafftig erkennen/ sein Wort vnd Warheit lieb
haben/ vnd für den höchsten Schatz achten / Christo-
lich gesucht vnd freundlich begeret / gebeten vnd ge-
flehet/ vmb der Ehre Jesu Christi willen/ der Wars-
heit zu stewart/auff folgende zwo einfeltige/vnd doch
notwendige Fragen/nach der Regel des Göttlichen
Worts / richtige / klare vnd verständliche Antwort
vnd Bescheid. Nach der vermanung / I. Petri 3. vnd
der Regel Christi / Matth. 5. zugeben / vnd sich hie-
rinnen Gott zu Ehren/vnd zu gemeiner Christenheit
besten/ vnbeschwert zuerzeigen.

Erstlich/

Ob Doctor Martinus Luther / der thewre
Man / vnd auserwehltes Werckzeug Gottes/
darinnen Manicheisch geleret / vnd darumb
auch für einen Manicheer / vnd falschen Lerer
zuhalten sey / das er gesagt vnd geschrieben/
Die Erbsünde sey die verderbte
Natur vnd Wesen des Menschen
nach dem Fall. A 2

Dem also lauten seine eigene Wort/da er verstand
lich vnd eigentlich von der Erbsünde leren wil/ was
dieselbige sey/ vnd deutlich auff die Person/ Natur
vnd ganzes Wesen / des Menschen nach dem Fall/
weist/ Vnd spricht im ersten Theil der Kirchenpos
til/ vber das Euangelium am Newen Jarstage/
Darüber ist auch hie fürgebildet/ das wir allezeit sa
gen/ wie Gott nicht die Person/ vmb der Wercke wil
len/ sondern die Wercke vmb der Person willen/ ver
dampt oder selig macht. Darumb ligt vnser ge
breche nicht an den Wercken/ Sondern an der Na
tur/ die Person/ Natur vnd ganzes Wesen ist in
vns durch Adams Fall verderbt / darumb kan
kein Werck gut sein / in vns / bis die Natur vnd
Persönlich Wesen/ verendert vnd vernewert werde/
Der Baum ist nicht gut/ darumb sind die Früchte
böses/ Also hat Gott in der Beschneidung zeitlich je
derman geleret / das niemand möge durch Wercke o
der Gesetze from werden / vnd alle Wercke vnd Ar
beit / from oder selig zu werden / sey vmbsonst/
so lange die Natur vnd Person nicht vernewert
wird. Sihe/hette er nur die Hand oder Zunge zubes
chneiden befohlen/were es ein Zeichen gewesen/ das
der gebrechen lege an. den Worten vnd Wercken zu
wandeln / das er der Natur vnd Person günstig wes
re/ vnd hassete nur die Wort vnd Wercke. Nu er as
ber das Glied nimpt / das gar kein Werck hat/ denn
das die Natur vnd Persönlich Wesen / dardurch
kompt/ gibt er klarlich zu verstehen/ das es an dem
ganzem Wesen der Natur feile/ das jr Geburt
vñ alles jr Herkommen / sey verderbt vnd Sünde.
Das

Das ist die Erbsünde / oder Naturfünde oder
Personfünde / die rechte Hauptfünde / wo die
nicht were / so were auch kein wirkliche Sünde /
Diese Sünde wird nicht gethan wie alle ande-
re Sünden / sondern sie ist / sie lebt vnd thut alle
Sünde / vnd ist die wesentliche Sünde / die da
nicht eine Stunde oder zeitlang sündiget / Sondern
wo vnd wie lange die Person ist / da ist Sünde auch.

Auff diese Natürliche Sünde / siehet Gott als
leine / dieselbige mag man mit keinem Gesetze / mit kei-
ner Straff vertreiben / wenn gleich Tausend Hellen
weren / Sondern alleine die Gnade Gottes mus sie
ausfegen / die die Natur rein vnd Newemachet / das
Gesetze zeigt sie nur / vñ leret sie erkennen / aber es hilfft
ir nicht / wehret allein der Hand vnd Gliedmassen /
der Person vñ Natur mag es nicht wehren / das
sie nicht Sündlich sey / denn sie ist aus der Ge-
burt schon zuuorkomen dem Gesetze / vnd ehe
zu Sünden worden / ehe das Gesetze ir verboten
hat.

Item im dritten theil der Kirchenpostil / am Tage
der Beschneidung des Kindleins Jesu / schreibt der
Man Gottes Luthers also / Das treibt die
Schrift in allen Exempeln vnd Leren / durch
vnd durch / Unser Sünde in vns ist nicht ein
Werk oder That / sondern ist die Natur vnd gan-
zes wesen / Darumb nimpt Gott das Glied / das zu
der Geburt gehöret / dardurch die Menschliche Na-
tur gepflanzt wird / Als wolt er sprechen / Deine
A 3 Geburt

Geburt vnd deine Natur / vñ dein gankes Wesen / ist Sünde vnd vnrein / das bezeuge ich mit diesem Werck vnd Beschneidung. Vnd im ersten Deutschen Jenischen theil / Sol. 29. vber den 51 Psalm sagt er / Siehe in vngerechtigkeit bin ich empfangen / vnd in der Sünde hat mich meine Mutter empfangen / Siehe so war ist / das ich fur dir ein Sünder bin / Das auch Sünde meine Natur / mein anheben des wesens / mein empfangnis ist / schweige denn die Wort / Werck vnd Gedancken / vnd nachfolgend Leben / Ein böser Baum bin ich / vnd von Natur ein Kind des Zorns vnd der Sünde / vnd darumb so lange als dieselbe Natur / in vnd an vns bleibt / also lange sind wir Sünder / vnd müssen sagen / Verlasse vns unsere Schuld / bis das der Leichnam sterbe vnd vntergehe. Im dritten Jenischen theil / Sol. 15. Wie solts ich ohne Sünde sein / so ich in Sünden gemacht / vnd Sünde mein Natur vnd art ist / Vnd das Luthers diese wortte Natur vnd Wesen / vom verderbten Menschlichen wesen / vnd dem ganzen Naturlichen Menschen / für der Widergeburt wölle verstanden haben / Ist aus seiner Vorrede / vber die auslegung des Ein vnd fünffzigsten Psalms / klar vnd augenscheinlich zusehen / da er also schreibt / Das ist eine grosse weisheit / das einer wisse / das wir nichts den lauter Sünde sind / vnd nicht so einen geringen verstand von der Sünde haben / als des Babsts Lerer / welche sagen / das die Sünde nichts anders sey / denn Wort / Wercke / Gedancken / so wider das Gesetz Gottes sind / Wen du aber wilt anzeigen nach diesem Psalm / Was die Sünde sey / so mustu sagen /
Das

Das alles das Sünde sey / das von Vater vnd Mutter geboren wird / Auch für der zeit / ehe der Mensch alters halben was thun / reden oder gedenscken mag.

Eben dahin sibet er auch / in folgender Auslegung gedachtes Psalms / da er spricht / das empfangē / das wachsen / vnd zunemen des Menschen / so noch in Mutter leibe vnd noch nicht geboren ist / ehe wir rechte Menschen sind / das ist alles mit einander Sünde.

Item in der Glossa vber das dritte Capittel der Epistel an die Romer / da Paulus sagt / Sie sind alle Sünder etc. Ist das Hauptstück vnd der Mittelplatz dieser Epistel / vñ der ganzē Schrift / nemlich / Das alles Sünde ist / was nicht durch das Blut Christi erlöset / im Glauben gerecht wird.

Solcher Sprüche vnd Reden Lutheri / könten wir noch viel mehr erzelen / lassen es aber jezunder gerne nur bey diesen wenigen bleiben / vnd fragen auff's aller freundlichst / bitten auch auff's aller Christlichste / die liebe Kirche Gottes / vnd alle frome Christen / sein rund heraus zusagen / vnd zu vrtheilen / ob D. Martinus Luther / Heyliger vnd Seliger gedechtnus / in diesem stücke Manicheisch geleret / vnd ob er darumb für einen Manicheer zuhalten / vnd solche seine Reden zumeiden / vnd zuwerwerffen seien / Das er sagt vnd schreibt / Der Menschliche Same / die Menschliche Natur / vnd Wesen / nach dem Fall / sey Sünde / Vnd daher sey auch die Erbsünde anders nichts / denn die verderbte Natur vnd wesen / des Adamischen Menschen / Adams hinderlassenes Erbe / der Natürliche Mensch selbst / wie der von Vater vñ Mutter / Fleisch aus Fleisch geboren. Vnd hierauff begeren wir der
Kirchen

Kirchen Urtheil / vnd Meynung / ein klares Ja oder
Nein.

Zum Andern.

Bitten vnd begeren wir auch als denn weiter auff
diese Frage / der Kirchen Bericht vnd Antwort /
Ob diejenigen / so jetziger zeit / in der Beschrei-
bung der Erbsünde / solcher Wort vnd Mey-
nung Lutheri gebrauchen / das die Erbsünde sey
vnsrer verderbte Natur vnd wesen / darumb für
Manicheer sollen vnd können gehalten vnd da-
für ausgeschrien werden / dieweil sie mit Lutheri
worten / one Glossen von der Erbsünde also : wie er :
reden / halten / gleubē vnd bekennen. Vnd ob es Ma-
nicheisch geleret sey / wenn man von der Erbsün-
de also bekennet / wie M. Mencilius / Mansfel-
discher Superintendens / zu Weimar / Anno
1571. im Namen aller Prediger in der Graff-
schafft Mansfeld / gethan / mit diesen Worten.
Wir Prediger in der Graffschafft Mansfeld /
haben durch Gottes Genade gehalten / gegleu-
bet / geleret vnd bekennet / vnd halten / gleuben /
lernen vnd bekennen noch also / Was vom
Fleisch geboren ist / das ist Fleisch /
Joan. 3. Das ist / der Mensch wie er von Vater
vnd Mutter geboren ist / mit seiner ganzen Na-
tur vnd wesen / ist nicht alleine ein Sünder /
sondern auch die Sünde selbst / nach der Ausles-
gung

legung D. Luthers / 1 Tom. Jen. fol. 29. Siehe so
war ist es / das ich für dir ein Sünder bin / Das auch
Sünde meine Natur / mein anhebendes wesen /
mein empfangnis ist / psalm 51. Dahin verstehen
wir auch D. Luthers reden / da er die Erbsünde nen-
net / Person sünde / Natur sünde / vnd Wesentli-
che sünde / wo die nicht were / so were auch keine wir-
ckliche Sünde / Diese Sünde wird auch nicht gethan
wie alle andere Sünde / Sondern sie ist / sie lebt vnd
thut alle Sünde / vnd ist die wesentliche Sünde.
Itē im dritten Theil der Kirchenpostill / vber das Eu-
angelium am newē Jarstage / das treibt die Schrifft
in allen Exempeln vnd Leren / durch vnd durch / Un-
ser Sünde in vns / ist nicht ein werck oder that /
Sondern ist die Natur vnd ganzes Wesen. etc.
Hactenus confessio.

Dieses verderbte Menschliche wesen / weil es von
Adam herkömpt / auff seine Nachkommen / vnd von
einem Menschen auff den andern erbet / wird es Erbe
genant / Als das wir von vnsern Eltern bekom-
men vnd erben / Weil aber eben dasselbige wesen /
aller Menschen / so von Vater vnd Mutter geboren
werden / (Nach dem Fall vnd vor der Wiedergeburt)
für Gotte nicht so gerecht vnd heilig ist / als es an-
fänglich von ime an Adam erschaffen gewesen / Son-
der wird Gottes Gesetze vngemes / vnd ganz wis-
derwertig befunden / auch von demselbē für vnrecht /
böhs vnd Sünde erkant / vnd verurtheilet / So heisset
solches Anererbtes böses / verderbtes Wesen / auch
Sünde / vnd eben die Erbsünde / Denn alles was vns
recht vnd dem Gesetze nicht gemess ist / das ist auch
Sünde

Sünde/I. Johan. 3. Ob nu dieses eine Manicheische
Lere sey/ das Man mit Lutheri Worten vnd meis-
nung sagt / Erbsünde ist die verderbte Natur vnd
wesen/ vnd ob jemand vmb solcher Lere willen/ bil-
lich für einen Falschen Lerer verdampt werde/ Bits-
ten wir alle Fromme Christen/ Wes Standes die
auch sein mögen / Sie wollen als vnsers Herrn Jesu
Christi liebe Kirche / vnd als rechte Gliedmas der
selben/ nach der Schrifft Regel / dauon ire meinung
sagen/ vnd der Wahrheit Zeugnis geben / Wie sie ons
das für Gott allezeit vnd jezundt auff dismal auch
(vnsrer Christlichen Billichen bitte nach) vns / ver-
möge der Regel der Liebe/ schuldig sind.

Die Genade Gottes des Vaters/ die Liebe vnd
Friede vnsers Herren Jesu Christi/ vnd die
Regierung des Heiligen Geistes / sey
vnd bleibe mit vns allen/
A M E N.

PROTESTATIO.

Wir wöllen aber auch hiemit / für Gott vnd
seiner ganzen Christenheit Solenniter pro-
testiret haben / das wir mit diesen Fragen
nichts Arges noch hinderlistiges suchen / noch mit
dieser Lere (die Erbsünde ist die verderbte Natur
vnd wesen/) gesinnet sind / einigen Manicheischen
Schwarm/ von einer/ von Gott/ oder dem Teufel ges-
chaffener Sünde / oder von einem sonderlichen an
Im selbst selbständigen Wesen/ der Sünde/ oder dera-
gleichem

gleichen Irthumb' zubeschönen / noch zuvermenteln.
Wie man uns doch gern dessen verdecktig machen
wolte / dafür uns aber Gott durch seine Genade wol
behüten sol / Sondern dauon begeren wir der lieben
Kirchen Christi Vrtheil vnd Bericht / ob diese Lere
Lutheri / Sünde in uns ist nicht ein Werck oder
That / sondern die Natur vnd ganzes Wesen / (wels
che wir nach seiner eigenen Meynung / von der Erbs
sünde / vnd nicht von einer frembden / andern / vnd
vnterschiedenen / sondern von vnser selbst verderbten
Menschlichen Natur vnd Wesen verstehen) eine rea
chte / Christliche Lere sey / dabey man billich bleiben /
vnd wider die Manicheischen vnd Pelagianischen
Irthumb / fest vnd bestendig beharren / darüber hala
ten / sie freudig bekennen / vnd was derenthalben eis
nem von der Welt begegnen möchte / mit gutem ges
wissen vnd Gedult leiden / vnd vnserm Herren Gott
befehlen möge vnd solle. Hierauff begeren wir demüts
tig Christgleubiger / rechtschaffener Herzen / Bes
cheid vnd Antwort.

Auch protestiren wir Solenniter wider die Un
christliche Auflage vnd Verleumbdung / damit wir
in die Leute getragen: vñ zur Unbillichkeit beschwe
ret vnd beschuldiget / auch bey vielen Kirchen / jemer
lich wider G O T vnd Recht eingebildet worden:
als solten wir diese rede: Die Erbsünde ist eine gar
tieffe böse verderbung der Natur etc. oder auch nur
das Wort Verderbung: aller dinge verwerffen: oder
als vnrecht nicht leiden noch dulden: sondern genzlis
chen abgeschafft vnd abgethan haben wollen / da wir
doch solche Rede selbst gebrauchet / gebillichet / vnd je
vnd allezeit auch noch für recht gehalten / auch anders
nicht denn vnser / Ja Lutheri Meynung (das die

Erbsünde sey unsere verderbte Natur vnd Wesen) allerding gleich ebenmessig erkennen/wie alle unsere Colloquia vnd ergangenen Schrifften klerlichen bezeugē vnd ausweisen/auch vieler andern Aufslagen bey fromen Herzen vns entschuldigen können.

Vnd damit vns auch nicht jemand des wörtlins Sünde halben/geföhren/oder dasselbige in den Zeugnissen Lutheri/auff einen frembden/weitleufftigen Verstand deuten möchte/wöllē wir vns hiemit auch öffentlich vnd verstendlich verklaret haben/Das wir das Wort Sünde/hierinnen anders nicht verstehen/ den für vnrecht/das ist für etwas/das nicht also ist/wie es sein solte nach Gottes Willē/Sondern ist demselben vnd seinem heiligen Gesetze nicht gemes/Is stracks zuwider/ Feindschafft wider Gott/etc. Denn also schreibt Lutherus/ Tom. II. Jen. lat. 416. b. Das Wort Sünde/wird in der Schrifft nicht in mancherley/ sondern in einerley / vnd darzu in der aller einfeltigsten Weise verstanden / genommen vnd gebraucht/ vnd solchs las dir die Schwarzhafftigen Sophisten ja nicht nemen/ Nemlich/ das Sünde nichts anders ist/denn das/ was dem Gesetze Gottes nicht gleichformig ist/ noch mit demselbigen vber einkompt/etc.

Etliche des Göttlichen Worts Christliche Lehrer/ vnd Bekenner zu Mansfeld/ Eisleben vnd auff dem Lande: in der alten vnd löblichen Graffschafft Mansfeld/ 1573.

Eine Gotteslesterliche Verkerung des kleinen Catechismi vnd der Christli- chen Vere in dem Jenischen Slick- werck.

Sihe lieber Christ diese schendliche Verkerung des Jenischen Slickwercks/des Heiligen Allgemeinen Catechismi/ da sie am ende X. 4. also schreiben.

In Catechismo: die Tauffe wircket vergesung der Sünden/erlöset vom Todt vñ Teuffel/ vnd gibt die ewige Seligkeit/ etc. Item: Es bedeut/das der alte Adam in vns/durch tegliche Reue vnd Busse sol erseufft werden/ vnd sterben mit allen Sünden vnd bösen Lüsten/vñ widerumb teglich heraus komen/ vnd aufferstehen ein Newer Mensch/der in Gerechtigkeit vnd Keinigkeit für Gott ewiglich lebe. Alhie sagt D. Luther fein/das der Alte Adam sey die Sünde vnd böse Luste im Menschen/die sollen sterben vnd erseufft werden. Item/der Newe Mensch sey Gerechtigkeit vnd Keinigkeit/wie es denn S. Paul erkleret/Eph. 4. Hactenus der Jenischen Slickwerck.

Erwege doch jederman diese boshafftige verkerung des H. Catechismi. D. Luther (wie auch Paulus allenthalben) macht klar zwey ding/ vnd vnterscheidet ausdrücklich den alten Adam oder alten Menschen von den Sünden vnd bösen Lüsten/sprechend/das der Alte Adam müs erseuffet werden mit den Sünden vnd bösen Lüsten/ vnd verstehet durch

den Alten Adam die Erbsünde/ vnd durch die Sünde vnd böse Lüste die wirkliche Sünde. So tichten diese Verkerer/ das D. Luther spreche/ der Alte Adam sein die Sünden vnd wollust selbst.

Ist das aber nicht eine mutwillige verfelschung/ wenn einer sagt/ der Baum mus verbrand werden mit den fruchten/ oder die Kue mus geschlacht werden mit dem Kalb/ Spricht er den/ das der Baum sey nichts anders denn eben die Früchte selbst/ oder das die Kue sey nichts anders denn eben das Kalb selbst. Wenn auch einer ein andern also die Wort des Vertrags verkeren wolt/ das da er im verheissen hette die Kue mit dem Kalbe/ darnach also die verheissung verkeren wolte/ das die Kue nichts anders sey/ denn nur das Kalb/ vnd der ander sich nur an dem Kalb solte begnügen lassen/ were das nicht eine feine erklerung des vertrags.

Also vermengen sie auch den Newen Menschen mit den Tugenden der Gerechtigkeit vnd Heiligkeit/ so doch der Luther dieselbige auch vnterscheidet/ sprechend/ das in der Tauffe der Widergeburt mus heraus komen ein Newer Mensch/ welcher hernach stets leben sol in der Heiligkeit vnd Gerechtigkeit.

Hiemit wird aber beide der alte Adam oder die Erbsünde/ vnd auch der Newer Mensch vnd die Widergeburt gantzlich vertauschet vnd verfinstert/ vnd allein die wirkliche Sünde oder die böse Früchte für die Erbsünde verkuufft/ vnd wird also die ware vnd vnaussprechliche Widergeburt vnd transformation oder Newe erschaffung des Todten/ Ja vberaus bösen Baums oder steinernen Hergens/ in eine heidnische/ philosophische/ phariseische/ vñ heuchlerische enderung der Sitten verkeret. Aber Christus vnd die ganze

ganze 3. Schrifft schreiet/ Machtet erst den Baum
gut/ darnach werden die gute Früchte von sich selbst
daraus wachsen/ Vnd zum Nicodemo spricht er/ das
der ganze Mensch mus wider geboren werden/ weil
alles/ was aus Fleisch geboren wird/ böse/ vnd im/
auch seinem Gesetze widerwertig/ vnd also ein wars
hafftige grewliche Sünde ist.

Solche verfelschung dieses hochwichtigen Artis
ckels vnd wolthat Christi/ Ja auch der 3. Tauffe/ ge
braucht auch der Antidotus/ fol. 51. 119. Item/
Schoppius/ 3 4.

Dürffen aber diese Leute solche verfelschung so
gar vnuerschempt vbē/ in dem auch den Kindern gar
wol bekanten Büchlein/ des Kleinen Catechismi/ vnd
in dem grossen geheimnus der 3. Tauffe/ was solten
sie nicht thun dürffen in andern/ dem gemeinē Man/
vnbekanten Sprüchen vnd Texten anderer Bücher.
Solche vnzeliche viel Meisterstücklein sein in jren hin
vnd wider Büchern zu finden. Wie grewlich vnd
mutwillig ist allein die vnuerschempte vnd böshafft
tige verkerung der ganzen Hauptfrage/ die sie in als
len jren Büchern treiben/ gleich als solte ich für mein
Principal oder Hauptproposition halten vnd leren/
Peccatum est Substantia/ die Sünde ist ein Wesen/
so ich doch von Anfang bis zum Ende/ vnd albercyt
für 7. Jaren/ Ja auch in der Weinmarischen Dispu
tation/ vnd zwar allbereit für 15. Jar/ mich nur ges
nugsam offemals/ vnd nach der lenge erkleret habe/
das ich rede allein von der Erbsünde/ vnd allein vom
dem bösen verderbtē Wesen/ oder wesentlichen Bild/
das die Heilige Schrifft heist/ den alten Adam/ Gen.
5. I. Cor. 5.

Dergleichen ist auch die mutwillige vertauschung
des

des Ursprungs dieses ganzen Streits/so ich doch in
dem Büchlein (der Engel der Finsternis entdeckt)
bewiesen habe / das jr Accidens Come her von den So-
phisten oder Papisten/vnd das D. Luther dem ent-
gegen gesetzt habe das wort Natur vnd Wesen: Ja
tem/das die Synergisten vnd Strigel haben ange-
fangen das Sophistisch Accidens zuuertheidigen/
denen zuwider stehen/ich D. Luthers Meynung vnd
Lere/hab verfechten müssen. Das ist/so gar klar aus
der Weimariſchen Disputation vnd gedachtem
Büchlein Angelus / das sie nicht können oder auch
dürffen demselbigen widersprechen.

Gott erbarme sich seiner Kirchen/ vnd stewart
vnd wehre allen Verfälschern vnd Vers
fürern vmb seines lieben Sons
willen/ **AMEN.**

Matth. 21. 11.



155035 T


AB 155035

ULB Halle 3
002 387 646



Se








8

Zwo hochnotwendige
Fragen/

In die Heilige Chri-
stliche Kirche/ vber der Lere
von der Erbsünde/

von etlichen Predigern zu Mans-
feld/ Eisleben/ vnd auff dem Lande in der
alten vnd löblichen Graffschafft
Mansfeld/ gestellet.



Anno M. D. LXXIII.

D, 7

